



## **TOSHKENT DAVLAT YURIDIK UNIVERSITETI REKTORINING B U Y R U G ' I**

13.05.2024

300-tm-son

### **“Ma’rifat maydoni” respublika ko‘rik-tanlovida universitet jamoasining munosib ishtirok etishini ta’minlash to‘g‘risida**

O‘zbekiston Respublikasi oliy ta’lim, fan va innovatsiyalar vazirining 2023-yil 22-noyabrdagi “Oliy ta’lim muassasalari talabalari o‘rtasida “Ma’rifat maydoni” tanlovini o‘tkazish to‘g‘risida”gi 505-son buyrug‘ida belgilangan vazifalar ijrosini ta’minlash, talaba-yoshlar o‘rtasida atoqli adiblar va mutafakkirlarimiz ijodiy merosini keng targ‘ib qilish hamda ular orasida kitobxonlikni ommalashtirish borasida Toshkent davlat yuridik universiteti tomonidan amalga oshirilayotgan ishlarni munosib davom ettirish hamda Ma’naviyat va ma’rifat markazi direktorining 2024-yil 10-maydagi 3-01-09/072-24-son bildirgisiga muvofiq

### **BUYURAMAN**

1. O‘zbekiston Respublikasi oliy ta’lim, fan va innovatsiyalar vazirining 2023-yil 22-noyabrdagi 505-son buyrug‘i ma’lumot va ijro uchun qabul qilinsin.

2. Quyidagilar:

oliy ta’lim muassasalari talabalari o‘rtasida “Ma’rifat maydoni” respublika ko‘rik-tanlovi an’anaviy tarzda har yili o‘tkazib borilishi belgilanganligi hamda ko‘rik-tanlovni tashkil etish bo‘yicha nizom tasdiqlanganligi;

tanlov jarayonlarini tashkil etish, unda jamoalarning munosib ishtirokini ta’minlash hamda xizmat safari bilan bog‘liq barcha xarajatlarni oliy ta’lim muassasalarining byudjetdan tashqari mablag‘lari hisobidan qoplanishi belgilanganligi;

Toshkent davlat yuridik universiteti (bundan buyon matnda – universitet) ning iqtidorli talabalaridan iborat “Shum bolalar” jamoasi mazkur tanlovda munosib ishtirok etib dastlabki 2 ta saralash bosqichida g‘oliblikni qo‘lga kiritganligi;

Oliy ta’lim, fan va innovatsiyalar vazirligining 2024-yil 7-maydagi 3/15-52-710-son xatiga muvofiq ko‘rik-tanlovning universitet jamoasi ishtirok etadigan 3-mintaqaviy bosqichi 2024-yilning 14-may kuni Namangan viloyatida Namangan

davlat universiteti mas'ulligida o'tkazilishi belgilanganligi inobatga olinsin.

3. "Ma'rifat maydoni" respublika ko'rik-tanlovining 3-mintaqaviy bosqichida universitet jamoasining munosib ishtiroki ta'minlansin.

4. "Ma'rifat maydoni" respublika ko'rik-tanlovining 3-mintaqaviy bosqichida ishtirok etish uchun ilovada nomlari ko'rsatilgan talabalar va ularga mas'ul sifatida Ma'naviyat va ma'rifat markazi xodimlari 2024-yilning 13-15-may kunlari Namangan viloyatiga xizmat safariga yuborilsin hamda ularning xizmat safari bilan bog'liq barcha sarf-xarajatlari universitetning byudjetdan tashqari mablag'lari hisobidan qoplab berilsin.

5. Ma'naviyat va ma'rifat markazi (Sh.Po'lotov):

ko'rik-tanlovga ishtirok etish uchun Namangan viloyatiga yuborilayotgan talabalarga xizmat safari guvohnomalarini rasmiylashtirish choralari ko'rsin;

ko'rik-tanlov nizomiga muvofiq universitet jamoasining tanlov shartlari bo'yicha munosib tayyorgarlik ko'rishlari uchun munosib shart-sharoitlar yaratish choralari ko'rsin;

buxgalteriya (M.Parpiyev) bilan birgalikda ko'rik-tanlovda jamoamizning munosib ishtirok etishi uchun zarur bo'lgan sahna chiqishlari dekoratsiyalari hamda kiyimlar bilan ta'minlash choralari ko'rsin;

fakultet dekanlari bilan birgalikda talabalarga ko'rik-tanlovda ishtiroki jarayonida xavfsizlik qoidalariga hamda yo'l harakati xavfsizligi qoidalariga rioya etishlarini atroflicha tushuntirish choralari ko'rsin;

universitetga jamoasiga mas'ul sifatida xizmat safariga yuborilayotgan Ma'naviyat va ma'rifat markazi xodimlariga xavfsizlik qoidalariga hamda yo'l harakati xavfsizligi qoidalariga rioya etishlarini, talabalarning xavfsizligini ta'minlash ularni ko'rik-tanlovda belgilangan qoidalar va odob-axloq normalari hamda universitet nomiga munosib tarzda ishtirok etishlarini ta'minlashni atroflicha tushuntirish choralari ko'rsin.

6. Kadrlar bo'limi (S.Mamanazarov) ko'rik-tanlovda ishtirok etish uchun universitet jamoasiga mas'ul sifati Namangan viloyatiga yuborilayotgan Ma'naviyat va ma'rifat markazi xodimlarini o'rnatilgan tartibda xizmat safariga yuborish choralari ko'rsin.

7. O'quv-uslubiy boshqarma (Registrator ofisi) S.Bozarov hamda fakultet dekanlari ko'rik-tanlovga ishtirok etadigan talabalar tomonidan 2024-yilning 13-15-may kunlari topshirishi kerak bo'lgan yakuniy nazorat ishlarini istisno tariqasida boshqa kunga ko'chirib berish choralari ko'rsin.

8. Buxgalteriya (M.Parpiyev) talabalarni ko'rik-tanlovda ishtirok etish bilan bog'liq (transpor, mehmonxona, kunlik va boshqa xarajatlari) barcha xarajatlarni universitetning budjetdan tashqari mablag'lari hisobidan amalga oshirsin.

9. Mazkur buyruq ijrosi nazoratini o'z zimmasida qoldiraman.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Direktor

SH.PO‘LOTOV



**Kelishildi:**

yuriskonsult

D.ALIBOYEV



Bosh buxgalter

M.PARPIYEV



Bo‘lim boshlig‘i

S.MAMANAZAROV

